

蘇東坡字帖



苏东坡字帖

四川人民出版社出版	(成都盐道街三号)
四川省新华书店发行	四川新华彩印厂印刷
1981年11月第一版	1981年11月第一次印刷
印数: 1—70,000	册

书号: 8118·642	定价: 0.48	元
--------------	----------	---

目

录

问养生	1 — 4
与可画竹赞	4
祭文与可文	5 — 9
致正辅提刑大夫兄书	10 — 11
往岐亭郡人潘、古、郭三人送余	12
送家退翁知怀安军	13 — 15
圉空除夜直都厅和旧题	15 — 19
别诸山作三绝句	20 — 21
熙明张侯所居万卷堂一首	21 — 23
调巢生一首	24 — 25
种稚栢仪曹北垣下	25 — 28
次韵钱穆父还张天觉行县诗卷	29 — 30
送杨礼先知广安军	30 — 32
雨中一首	33 — 34
二疎图赞	35 — 36
送寿圣聪长老偈一首	36 — 37
黄山谷题跋	38 — 39

余問養生於吳子得二言焉曰和曰安
何謂和曰子不見夫天地之爲寒暑乎
寒暑之極至於折膠流金而物不以爲
病其變者微也寒暑之變晝與日俱
逝夜與月並馳俯仰之間屢變而人不
知者微之至和之極也使此二極者相尋
而狎至則人之死久矣何謂安曰吾嘗

自牢山浮海達于淮遇大風烏舟中
之人如附於桔槔而一上一下中輒車
輪而行反逆眩亂不可止而吾儼食
起居如他日吾非有異術也惟莫與
之爭而聽其所為故凡病我者舉非
物也食中有蛆見者莫不區也其不知
而食者未嘗嘔也清察其所後生論

八珍者必燕言糞穢者必唾二者未
嘗与我接也唾与燕何後生哉果生於
物乎果生於我乎知其生於我也則雖
与之接而不變安之至也安則物之感
我者輕和則我之應物者順外輕
而內順而生理備矣吳子古之靜者
也其觀物也審矣是以私識其言而

時省觀焉

蘇軾

与可畫竹贊

与可之文其德之糟粕与文之詩其文
之毫末詩不能盡溢而為書變而為
畫皆詩之餘其詩与文好者益寡
有如其德如好其畫者乎悲夫

維元豐二年歲次己未
朔五日甲辰從表弟朝奉郎尚書
祠部員外郎直史館權知徐州軍
州事騎都尉蘇軾謹以清酌庶羞
之奠致祭于

故湖州文府君与可學士兄之靈曰
嗚呼哀哉

与可能復飲此酒也夫能復賦詩
以自樂鼓琴以自侑也夫嗚呼哀哉
余尚忍言之氣噎悵而填胸淚疾
而淋衣復收淚以自問非夫人之為
慟而誰為乎道夫來行我無徒
豈無友朋逝莫告余惟余
与可匪亟匪徐招之不来麾之不去

不可得而親其可得而踈之耶嗚呼
哀哉孰能惇德秉義如

与可之和而正乎孰能養民厚俗如

与可之寬而明乎孰能為詩与楚

詞如

与可之婉而清乎孰能齊寵辱示

得喪如

与可之安而輕乎嗚呼哀哉余聞赴
之三日夜不眠而坐喟夢相泣而驚
覺滿茵席之濡淚念有生之歸盡
雖百年其必至惟

有文為不朽与

有子為不死雖富貴壽考之人未必皆

此二者也然余常聞

可之言是身如浮雲無去無來無三
無存則夫所謂不朽与不死者亦何足
云乎嗚呼哀哉

尚饗

載啓別後因本州使人一
上狀并香積詩必已達

尊覽方辱

賜教具審

起居住勝甚馳

仰拭入冬眠食甚佳几席之下澄

江碧色鷗鷺翔集魚蝦出沒

足樂者又時在湖上親作新橋掩
豁之事亦有條理皆粗慰人意蓋
優哉游哉聊以平歲知之免憂
藥錢二已如請比來數事皆
蒙賜

左右此邦老穉共荷戴也乍寒方

自重不宣 狀再拜

正輔提刑大夫兄閣下

十一月三日

十日春寒不出門不知江柳已
搖村稍聞波、流冰谷盡放
青、沒燒痕數畝荒園留
我住半罇濁酒待君溫去
年今日關山路細雨梅花
正斷魂

友山先生并別山中諸道

賦上

吾州同年友榮若琴上星當時
功名意豈止拾紫青事既喜遠
天或不假齡今如圖中鶴俛仰

在一庭

吾州同年友凡十三人今在者六人
而已故有琴上星圖中鶴之語

退翁守清約霜菊有餘馨
披箇

方入破朱弦微莫聽西南正春早
廢沼黏枯萍翩然一麾去想見
靈雨零我無遁仙句待
詔沈香亭空騎內廐馬

天仗隨

雲輶竟無絲毫補眷焉誰汝
令永媿舊山叟憑